

Anno dom. mill. cent. quadrages. septimo mense aprilis Inicium magne discordie ortum fuit inter Henricum dandulum patriarcham . et Petrum polani ducem cum tota Venecia . pro qua eiectus fuit suprascriptus patriarcha cum omni parentella sua . et multis clericis¹⁾.

Anno dom. mill. cent. quadrages. nono mense octubris Ignis exiuit de confinio sancte Marie matris domini . et combussit tredecim ecclesias cum ecclesia sancti Raphaelis²⁾.

Anno dom. mill. cent. quinquages. nono exierunt Venetici cum magno exercitu ad Jaderam et comprehenderunt eam.

Anno dom. mill. cent. sexages. primo magna discordia fuit inter imperatorem Allemanie et cum omnibus suis terris contra Veneciam ut obsiderent eam. Vnde uenit patriarcha Aquilegie cum omnibus ducibus et comitibus suis ut apprehenderent Gradum insulam et supradictus patriarcha cum magnatibus suis et multis nobilibus uiris capti fuerunt a Venetis (sic!) et ducti fuerunt in Venecia in captiuitatem³⁾.

Anno dom. mill. cent. sexages. septimo mense decembris Indicione quinta decima tercia die ante festum sancte Lucie⁴⁾. Venerunt tres legati imperatoris Grecie cum tribus galeis. Et post terciam diem ipsius festi exiuit ignis de solarario sancti Saluatoris et combussit ecclesiam sancti Luce . sancti Patri-niani. Sancti Benedicti. Sancti Gabrielis. Sancti Samuelis. Sancti Barnabe . et Sancti Basilii . cum suis conuiciniis paucis uero permanentibus. Altera uero die⁵⁾ uenerunt legati regis Ungarie et duxerunt neptiam ipsius regis nomine Reginam Mariam in uxorem comitis Nicolay . filio Vitalis michaelis ducis.

Anno dom. mill. cent. sexages. octauo mense nouembris Indicione secunda. Exiuit sex galeas (sic!) de Venecia et apprehenderunt quinque galeas de Ancona cum omni populo ex quibus Iacobus da mulino et Wizardinus fuerunt suspensi in ligno⁶⁾.

Anno dom. mill. cent. septuages. primo mense marcii Indicione quarta. In die Sancti Gregorii⁷⁾ Imperator Emanuel fecit comprehendere omnes Venetici (sic!) qui erant in omnibus partibus Romanie cum toto eorum habere et nauibus. In eodem anno mense septembris (sic!) Iuit centum galeas cum Vitale michael duce in partibus Romanie.

Canale (l. c.) pag. 308 'si prist X viles' etc. und Marci Chron.: 'Cumque dictus dux habito triumpho reuerteretur aggressus partes Romanie cepit decem ciuitates imperii' etc.

1) Siehe Excurs. 2) Dand. col. 284 A. 3) Cf. Dand. col. 288 A. B. 4) Dieses Datum fehlt bei Dand. col. 291 B. 5) Dasselbe ist hier der Fall. Dand. col. 292 A; cf. Chron. Alt. tom. VIII, pag. 159. 6) Sowol im Chron. Marci (Arch. St. It. t. VIII p. 259) als auch bei Dand. col. 292 B. C fehlt das Datum. 7) Dand. col. 293 B und Chron. Altin. tom. VIII, pag. 164.